

## Éinín an bhaile mhóir

"Cá ndéanfaidh mé mo nead?"  
arsa éinín an bhaile mhóir.

ar an ráille teilifíse,  
thuas ag barr an tí seo?

sa chlós? sa gharáiste?  
i sean charr an pháiste?  
i seanphota? i seanhata?  
in aice leis an gheata?

Sa simléir in uachtar  
Agus deatach do mo mhúchadh?

Thíos i bpoll an bhalla  
Agus fearthainn do mo dhalladh?

Thíos i lár na sráide  
i measc busanna 'is carranna?  
Ar an líne teileafóin  
Ní bhfaighinn bia ná lón.

An bhfuil áit ar bith ar an bhaile mór seo  
ina ndéanfadh éinín bocht a nead?

